



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK**

Broj: 02-49-1-1716-15/16

Datum: 1.8.2016. godine

Na osnovu člana 100. stava 3 Zakona o javnim nabavkama Bosne i Hercegovine ("Službeni glasnik BiH", broj: 39/14), Zapisnika o pregledu i ocjeni ponuda od 20.07.2016.godine Komisije za nabavke, žalbe ponuđača "Nedjing" d.o.o. Tešanj, Općinski načelnik donosi

### **ODLUKU**

o stavljanju van snage dijela Odluke o izboru najpovoljnijeg ponuđača broj: 02-49-1-1716-13/16 od 20.07.2016.godine

#### **I**

Usvaja se žalba žalitelja i stavlja van snage dio dispozitiva Odluke o izboru najpovoljnijeg ponuđača broj 02-49-1-1716-13/16 od 20.07.2016.godine koji se odnosi na Lot-1 i izbor ponuđača "Geo put" d.o.o. Maglaj, te se ovom Odlukom vrši izbor ponude za radove u predmetu nabavke "Izgradnja vodovoda Tepe-Hrvatinići, Izgradnja vodovoda Raduša i Izgradnja kanalizacije Šije" za Lot-1 kao napovoljnija ponuda ponuđača "**NEDJING**" d.o.o. Tešanj po cijeni od 55.903,38KM (slovima: pedesetpethiljadadevetstotinatiri i 38/100 konvertibilne marake) bez PDV-a, odnosno sa PDV-om 65.406,95 KM (šesdesetpethiljadačetiristotinešest i 95/100 konvertibilnih maraka).

#### **II**

Ponude su dostavljene u otvorenom postupku javne nabavke koji je objavljen na Portalu javnih nabavki dana 10.06.2016. godine pod brojem: 375-1-3-110-3-37/16, obavještenje o nabavci objavljeno u Sl.glasniku BiH broj:45/16 dana 17.06.2016.godine, kriterij za dodjelu ugovora je najniža cijena.

#### **III**

Obavezuje se izabrani ponuđač da u roku od 5 dana od dana prijema ove Odluke dostavi ugovornom organu potrebnu dokumentaciju kojom dokazuje svoju ličnu, ekonomsku i finansijsku sposobnost na način i u formi koja je propisana tenderskom dokumentacijom. Nakon ispunjenja navedenih obaveza i proteka propisanog roka Ugovorni organ i ponuđač će zaključiti ugovor.

#### **IV**

Za realizaciju Odluke zadužuje se Služba za društvene djelatnosti i investicije općine Tešanj.

#### **V**

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke za Lot 1.

#### **VI**

Ova odluka objavit će se na web-stranici Općine Tešanj [www.opcina-tesanj.ba](http://www.opcina-tesanj.ba), shodno članu 70. stav 6.Zakona o javnim nabavkama.

### **Obrazloženje**

Aktom broj: 02-49-1-1716-2/16 od 07.06.2016. godine Općina Tešanj je donijela Odluku o provedbi postupka javne nabavke za radove "Izgradnja vodovoda Tepe-Hrvatinići, Izgradnja vodovoda Raduša i Izgradnja kanalizacije Šije", sa podjelom na lotove. Odabran je otvoreni postupak uz podjelu na lotove, koji je objavljen na Portalu javnih nabavki dana 10.06.2016.godine pod brojem:375-1-3-

110-3-37/16, obavještenje o nabavci objavljeno u Sl.glasniku BiH broj: 45/16 dana 17.06.2016. godine, kriterij za dodjelu ugovora je najniža cijena.

U ostavljenom roku za dostavu ponuda pristiglo je 5 (pet) ponuda kako slijedi: ponuda "AB - TRANS" d.o.o. Tešanj (za Lot-3), ponuda "NEDJING" d.o.o. Tešanj (za Lot-1 i 2), ponuda "ŠPIC BETON" d.o.o. Zenica (za Lot-1,2 i 3), ponuda "ŠF INŽINJERING" d.o.o. Tuzla (za Lot-1,2 i 3) i ponuda "GEO-PUT" d.o.o. Maglaj (za Lot-1,2 i 3).

Komisija za javne nabavke imenovana rješenjem Općinskog Načelnika broj: 02-49-1-1716-4/16 od 04.07.2016.godine izvršila je dana 13.07.2016.godine javno otvaranje ponuda o čemu je sačinila Zapisnik sa otvaranja ponuda i isti prosljedila svim ponuđačima.

Komisija je na zatvorenoj sjednici izvršila provjeru formalne ispravnosti sadržaja pristiglih ponuda, te ustanovila da su četiri ponude formalno ispravne (sadržajno kompletne i ispravnog sadržaja) i da se kao takve mogu ocjenjivati u skladu sa zahtjevom za dostavu ponuda.

Komisija je izvršila rangiranje prihvatljivih ponuda prema kriteriju za izbor ponuda (najniža cijena ekonomski prihvatljive ponude), te je primjenom preferencijalnog tretmana domaćeg sačinila konačnu listu ponuda za Lot 1 , rangiranu po cijeni ponuda:

#### **Lot-1**

- 1."GEO-PUT" d.o.o. Maglaj
- 2."ŠF INŽENJERING" d.o.o. Tuzla
- 3."ŠPIC BETON" d.o.o. Zenica
- 4."NEDJING" d.o.o. Tešanj

Navedeni rang iz Zapisnika broj: 08-49-1-1716-12/16 od 20.07.2016. godine bili su osnov za donošenje Odluke broj: 02-49-1-1716-13/16 od 20.07.2016. godine na koju je ponuđač "NEDJING" d.o.o. Tešanj izjavio žalbu, navodeći da komisija, a na kraju i ugovorni organ nije pravilno primjenio pravilo preferencijalnog tretmana.

Ugovorni organ je uvidom u Žalbu i tendersku dokumentaciju žalitelja utvrdio da prilog tenderske dokumentacije "Izjava ponuđača Lot- 1" (list broj 2 tenderske dokumentacije) sadrži izjavu o preferencijalnom tretmanu koju je ponuđač "NEDJING" d.o.o. Tešanj uredno potpisao i ovjerio, te je priložio dokaze za sadržaj iz izjave (list broj 31 tenderske dokumentacije).

Ugovorni organ smatra da je žalba žalitelja pravdana i usvaja se, te se dio Odluke broj: 02-49-1-1716-13/16 od 20.07.2016. godine koji se odnosi na Lot -1 stavlja van snage. Ugovorni organ smatra da nije potrebno voditi poseban postupak, niti prosljeđivati žalbu drugostepenpm organu, te je ovom Odlukom odlučeno kao u dispozitivu.

**Pouka o pravnom lijeku:** Žalba na Odluku o izboru najpovoljnijeg ponuđača izjavljuje se URŽ-u putem ugovornog organa u roku od 10 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14).

#### **Dostaviti:**

- 1."GEO-PUT" d.o.o. Maglaj
- 2."ŠF INŽENJERING" d.o.o. Tuzla
- 3."ŠPIC BETON" d.o.o. Zenica
- 4."NEDJING" d.o.o. Tešanj
- 5.Arhivi



OPĆINSKI NAČELNIK

Mr.sc. Suad Huskić, profesor